

مجموعه ابو الضیاء

ماسوا شایسته شدن دلی تطهیر و پالاش
بر تو حکمت و عرفان الهی توره آتش

علوم و معارفدن بحث ابدی. و هر ماه عربی ابتدا سیه اون بشده نشر اولور مجموعہ درین

عدد ۲۳ - جلد ۲ [۱۵ شعبان سنه ۱۲۹۹ [نفعده سی ۳۱ عروشن

بره زیلاده قهوه محصولی

(مابعد عن جزو ۲۲)

بره زیلاده قهوه زراعتنه یکی باشلانیدیغی هنکامده قهوه جبه لرینی قیروب دانلرینی چپقارمق عملیاتی عادی هاونلرده طوققه ضرب اولنهرق، اجرا ایله یلیرمش . الیوم زراعتی برقاچ ترلایه منحصر اولانلر، قهوه یی بویولده تطهیر و تفریق ایدرلر .

سنیور سیرینک چفتلکی قیلندن اولان سائر چفتلکر باشلی باشنه برر عالم عد اولمغه سزادرلر . چونکه چفتلک داخنده تیمورچی ودولکر صنفیه مخصوص محللار ایله ارّه خانه ودو کم خانه و (مادی یاقو) تربیه سیچون آریجه برماکنه و عمله مستخدمیه اکمک طبع ایدر بر فرون و بغدادی دکرمنی و شکر قامشی تعصیری ایچون متعدد معصرملر و روم چکمک اوزره بیوک برانلیق و قهوه فدائلرینی طالدیرمق ایچون اقتضا ایدن ساقسیلری اعمال ایدر برچوملک فابریقه سی و میاه و بخار ایله حرکت ایدر متعدد ماکنه لر موجوددر .

سنیور سیرینک حیوانات قسمی سائر ادوات و وسائط زرعیه سی قدر مکملدر؛ ۸۵ چفت اوکوز و ۴۰ قدر اسیر و یوز رأس جانور و بر ایکی یوز قویون ایله برچوق هندی وقاز و اوردک و طاوق اوله رق، بونلردن بشقه هندستاندن جلب ایله ۱۸۷۸ ده کشاد اولنان پارس مشهر عومیسنده شهر ایش اولدیغی (زبو) تسیمه اولنان برنوع هور کوچلی اوکوزی دخی وارددر .

زنجیلرک اتباعنه مجبور بولندقلری نظام غایت شدید و بیرحانه اولدیغندن بیچاره لر عادتاً برماکنه کبی قسری و فقط علی الدوام حرکت ایدرلر . حتی اقشام اوزری تعطیل اشغال ایلدکلری حالده دخی شکر قامش لرینک شیرسز یررینی قطع ایله حیواناته ویرمک کبی بر ایکی اوافق خدمتله مکلفدرلر .

بو بیچاره لر سحری یتاقلرندن قالقدقدن ویکزبان اوله رق دعالری
 اوقودقدن صکره تخصیص اولنان ایشلرینه کیدرلر . صباحک ساعت
 آلتیسنده برر قوبه قهوه ویرلدیکی مثللو طفقوزده دخی صیغیر اتی ایله
 ماندیوقا لاپه سی ونمود و بزلیا و بغدادی اولنرندن بابلش برنوع قالین پیده
 تعینلری واردر . وقت زوالده برر مقدار روم واقشام اوزری ساعت درتده
 ینه طعاملری ویریلیر؛ فقط یمک یندیکی مدنده دخی ممکن اولدیغی قدر
 اشغالک تعطیل ایدلاماسنه اعتنا ایدیلیر . ساعت یدیده یتوتکاهلری
 اوکنده طویلانه رق؛ وناظر طرفندن بوری ایله ویریلان قومانده اوزرینه
 صف باغلایه رق؛ یوقله لری اجرا ایدلدکن صکره مأوالرینه داخل
 اولورلر . قوغوشلرنده موم ویا قندیل یانمدیغندن اوجاقده کی آتشک نشر
 ایتدیکی ضیا ایله اکتفا ایدرلر . شو حالله باقیلیرسه بیچاره لک حیوان
 حکمنده طوتلدقلری آکلاشیلیر . نسوان ایله ذکور آیری آیری قوغوشلرده
 اقامه ایدلدیکی کبی؛ قیوری دخی صباحه قدر اوزرلرینه کلیدلیر . واون
 آلتی ساعتک اشتغاله بدل سکز ساعت استراحت ایتدلرینه مساعده اولنور .
 بعض چفتلک صاحبلی اسرایه اعتدالکارانه معامله ده بولنورسه ده
 تعطیل اشتغال ایتدلرینه اک موصقلری بیله قائل اولمز . حتی بازار کونلری
 بیله درت ساعتدن زیاده استراحتلرینه مساعده اولمز .

موسمو سربنک چفتلکننده اون ایکی کون اقامت ایله قهوه نک
 زرع و انبات و اقتطاف و تطهیری حقننده ایجه استحصال معلومات
 ایتدکن صکره مومی الهی وداع ایله (ریسو - زانیرو) به عزیمت
 ایدلک . بره زبلیا امپراطورلغنک پای تختی اولان بوشهرک اسواق و بازارنده
 انسان هر نه طرفه باقسه چواللرله قهوه لر دن بشته برشی کوره مز .

اسکله رده طاغلرکی بربری اوزرینه استیف ایدلمش قهوه چواللری
 بولندیغی کبی برطرفدن کیلره تمجیل اولندقجه برطرفندن استرلر و عربله رله
 چفتلکلر دن ورود ایتکده در .

هر هانکی سوفافه گیرلمش اولسه، و فرضاً بر سوفا قاده بش دکان بولانسه، مطلقاً اوچی قهوه مغازه سی اولوب قازینسورلیله لوقا نطدرنده دخی مشروباًلك عزيزی قهوه در .

برقازینویه و یا خود سائر مجامیع ناسدن برینه کیدلسه، حضارک بحث و مکالمه لری یا قهوه زراعتی و یا قهوه تجارتی اوزرینه در. آلمانیده بیرا، فرانسه ده شراب و یا آبسه نت، روسیه ده چای، انگلتره ده (براند) ایچمک نصل معتاد ایسه بوشهرده دخی جانی صقیلان متصل قهوه ایچر . شوقدر وارکه مشروبات مقطره ده کی اسپرطو انسانه نه قدر مضر ایسه قهوه دخی اورتبه نافعدر. باخصوص بره زیلیا کبی بلاد حاره ده صو ایچمک و حرارتی تسکین ایتک ایچون قهوه ایچمکدن اعلاشی اوله مز . ریو - زانبرویه کلان قهوه نك کافه سی یا آمریقان و یا خود انگلیز تجارتی طرفندن طوپدن معاینه اولنه رق، جسم مغازه ره وضع ایدیلرک، اوروپایه کوندرك اوزره موسم رواجه انتظار ایدیلر .

قهوه ذاتاً بره زیلیا محصولاتندن اولدیغی حالدده اون سکرنبی عصرک واسطنده عربستاندن کتورلمشدر . فقط زراعتنه اون طقوزنبی عصره یقین و یا بوعصرک اوائلنده باشلامشدر . حتی ۱۸۰۶ سنه سنده بره زیلیان اوروپایه برنجی دفعه اوله رق، اون چوال قهوه کوندركشدر . بدی سنه صکره ۱۸۱۳ ده بومقدار ۲ چوال ترقی ایلدیکی حالدده ۱۸۱۷ ده آلتمش درت پیک چوال قهوه کوندركشدر . بوکاسب ایسه ۱۸۱۰ سنه سنده اکیلان میلیونلره تخمین یتشان فدانلرک سنه مذ کوره ده محصول ویره جک کماله ایرمکلیکی در. تاریخ معیوئن صکره سنه بسنه تزیاید ایده رک ۱۸۵۱ ده اوچ یوز اوتوز میلیون لره یعنی یوز اون میلیون قیه بی حاوی ایکی میلیون چوال قهوه اخراج ایدلمشدر .

۱۸۸۰ وسکسان برده بومقدار اوچ بیچ میلیون چیه قش اولدیغندن ممالک کره، ارضک اکثر بلادنده ایچیلان بو مایعک قسم کلیمی بره زیلیان محصولی اوله جغنده اشتباه یوقدر .

اصل غرابت قهوه و قتیله جهانک هر طرفند عربستاندن انتشار
ایلدیکی حالد، کیده کیده مخرجنده همان تخی انقراض بولمش دیندجک
راده ده پک آز محصول آلتقمده در . (انتهی)

مرثیه یحیی

شهرزاده سلطان مصطفی ک اعدامند در .

[۱]

مدد مدد بوجهانک یققدی بریانی
اجل جلالیری آلدی مصطفی خانی !
طوتلدی مهر جمالی، بوزولدی ارکانی
وباله قویدیلر آل ایله آل عثمانی .
پکرلر ایدی پکنده او مرد میدانی
فلک او جانبه دوندردی شاه دورانی،
بالانجینک قوزی بهتانی، بغص بهتانی،
آقتدی یاشمزی یاقدی نار هجرانی
جنایت ایتدی جانی کبی آتک جانی
بوغولدی سیل بلایه طاغلدی ارکانی .

نولیدی کورمیه ایدی بوماجرایی کوزوم
یازقلر آکا روا کورمدی بورایی کوزوم .

[۲]

طوناندی آقلر ایله نوردن مناره دونوب،
کشاده خاطر ایدی شوقله نهاره دونوب،